

Сценарий

«VII Егоровской аабыылар – 2018»

Вед.1. Үтүө күнүнэн, күндү ыалдьыттар, куонкурус кыттыылаахтара, истинг сүрэхтэн тахсар поэзия сээргээччилэрэ!

Вед.2. Бүгүн бу саалаҕа биһиги муһуннубут биллиилээх поэт, саха Островскайа диэн киэн тутта ааттыыр, педагогическай үлэ ветерана, бастакы тифлопедагог, переводчик, сахалыы Брайль алфавитын айбыт Горнай улууһун киэн туттар дьонун мааны кийитин Иван Николаевич Егоров – Горнай айар үлэтин сырдатар уонна айымньыларын уус- уран аабыыга муһуннубут.

Вед.1. Иван Николаевич Саха Республикатын норуотун үөрэҕириитин туйгуна, Саха Республикатын культуратын үтүөлээх үлэһитэ, көрбөттөр уопсастыбаларын туттаах чилиэнэ уонна республикатаабы көрбөттөр анал бибилиэтиэкэлэрин бочуоттаах аабааччыта. Биһиги бары киэн туттар чулуу поэппыт хоһооннорун уус-уран аабыы дьоро киэһэтэ “Егоровскай аабыылаар” диэн ааттанан аан бастакытын 2012 сыллаахха ытыллыбыттара. Онон бүгүммү аабыы номнуо сэттис төгүлүн ытыллар .

Вед.2.

Аа-дьуо санаа тиһиллэр

Алып-чарай саптаах,

Албан аата иһиллэр

Айар үлэ – аптаах

Иван Николаевич Горнай хоһоонунан этэр истинг тылларын аабааччылар сүрэххитинэн ылынар буолуохтааххыт.

Билигин тылы биэрэрбитин көнгүллээн Республикаатаабы көрбөттөр анал библиотекаларын дириэктэригэр Находкина Елена Николаевнаҕа.

Күндү көрөөччүлэр, убаастабыллаах ыалдьыттар, билигин эһигини эбэрдэлиир Саха республикатын эстрадатын чабылхай сулуһа, Саха республикатын культуратын туйгуна, биһиги

библиотекабыт үтүө доҕоро Алексей Потапов. Ытыспыт дохсун тыаһынан көрсүөбүҥ!

Вед.1. Иван Горнайы билэр дьон этэллэринэн кини ким да билбэтинэн, бэйэтэ айар дьоһурунан, сүрэхтин сэрэйиитинэн хоһоон суруйар буолбута. Ол хоһоонноро 1985 сыл кэнниттэн “Чолбон” сурунаалга хам-түм бэчээттэнэн барбыттара. Билигин ааптар ааҕааччылар биир-эки биллэрин киирэнник ылбыт 9 кинигэлээх. Иван Николаевич – Горнай олоһун уонна айар үлэтин туһунан библиотекабытыгар тэриллибит Брайль киинин быыстапкатыттан элбэҕи билиэххэ сөп. «Мин коробун сүрэхпинэн», 1992с., «Араас сыллар, араас тыллар», 1993 с., «Дохсун кэм дуораана», 1995с., «Сибэккичээн», 1999с., «Олонхо дойдута», 2003с., «Тойуксут туруйа», 2007с., «Айыл5а уонна олох. 2010с., «Мунур үйэ муудараһа», 2014с. тахсыбыт кинигэлэрин ылан ааҕаргытыгар сүбэлиибит.

Вед. 2. Убаастабыллаах ыалдьыттар уонна көрөөччүлэр, күрэхпитин саҕалыырбытын көнүллээн.

Бүгүн бу күрэххэ кытталлар республиканскай коррекционной оскуола-интернат 1-11 кылаас үөрэнээччилэрэ. Кыттааччылар 3 бөлөххө арахсаллар: Бастакы бөлөх: кыра кылаас үөрэнээччилэрэ, ол эбэтэр 1-4 кылаас оҕолоро. Иккис бөлөх: 5-8 кылаас оҕолоро, үһүс бөлөх: үрдүкү кылаас оҕолоро Иван Николаевич – Горнай айар үлэтигэр аналлаах дакылааттары ааҕыахтара.

Күрэхпитин саҕалыахтара бастакы бөлөх кыттыылаахтара, ол эбэтэр саамай кыраачаан ааҕааччыларбыт. Күрэх түмүгэ уонна кыайыылаахтарга бириис туттарыы сэтинньи 13 күнүгэр “Үрүн торуоска” месячник сабыллыытыгар тахсыаҕа.

Вед.2. Бүгүҥҥү күрэхпит дьүүллүүр сүбэтин кытта билиһиннэрэбитин көнүллээн. Дьүүллүүр сүбэ бэрэссэдээтэлэ **Фролова Галина Алексеевна**, Саха республикатын суруйааччыларын союһун председателин солбуйааччы, СР культуратын үтүөлээх үлэһитэ.

Вед.1. Дохунаев Егор Васильевич, республикатааҕы литературнай музей эскурсовода, Саха республикатын культуратын туйгуна.

Вед.2. Васильева Глера Васильевна, кэскиллээх хоһоонһут, “Куорсун – 2018 сыл” кыттыылааҕа.

Вед.3. Герасимова Евдокия Николаевна, Республикаатааҕы көрбөттөр анал библиотекаларын ааҕааччыны кытта үлэлиир салаа библиотекара.

Вед.1. Тылы биэрэбит дьүүлүүр сүбэ бэрэссэдээтэлигэр Галина Алексеевнаҕа. Бүгүңнү күрэхтэн тугу кэтэһэргин уонна эдэр кыттыылаахтарбытыгар өйөбүл тылларгын этэргэр көрдөһөбүт.

Вед.2. Бастакы түһүмэхпитин саҕалыыбыт...

Вед.1. Кыттааччыларга дохсун ытыс тыаһа! Күндү ааҕы кыттыылаахтара дьүүлүүр сүбэбитин сыанаҕа ыңырабыт.

Тыл бэриллэр **Дохунаев Егор Васильевичка.**

Вед.2. Иван Горнай киһи дууһатын, өйүн-санаатын долгутар хоһоонноро ааҕааччылар биһирэбиллэрин ылыан ылаллар. Кини айымньыларыгар ис дууһа долгуйуутун, санаа түмүллүүтүн уран тыл күүһүнэн уурбут-туппут курдук ыпсаҕайдык ойуулаан ааҕааччы кутун-сүрүн тутар, киһиэхэ сарсынны күңнэ элбэх эрэли үөскэтэр.

Вед.1. Итинник этэн туран Иван Николаевич айар кута бүгүн ааҕааччыларга поэзия дьоро киэһэтин бэлэхтээбитигэр махтанабын, аны да имигэс тылынан айа-тута туруо, инникитин даҕаны айбыт айымньылар дьон-сэргэ санаатын көтөҕө, сырдыкка-кэрэҕэ угуяа туруохтара диэн эрэнэбит.

Вед. 2. Бүгүңнү киэһиэ кыттыылаахтарыгар, дьүүлүүр сүбэҕэ, көрөөччүлэргэ ис сүрэхпититтэн махталбытын тиэрдэбит.